

神秘顧客請暑期工

想搵份新奇又得意嘅暑工？做神秘顧客最好不過，可以試吓做卧底嘅滋味，真係緊張又刺激。香港安柏市場策劃（香港）有限公司，就係香港其中一間安排神秘顧客嘅公司，佢哋個高級項目主任劉漢輝話由即日開始至9月中，會請80至150個應屆畢業生做暑期工。條件冇限，任何性別年紀都得，學歷成績都唔重要，唔需要工作經驗，但要有好嘅書寫能力，因為睇巡鋪之後，可能要交份書面報告畀公司。

話明做神秘顧客，好嘅應變能力唔少得，所以面試時會要求應徵者做role play，睇吓應徵者可唔可以好自然咁問問題。如果成功獲聘，公司會喺做嘢之前同員工做briefing，講解工作內容同試演。而薪金由

每次\$50至\$1,000不等，全視乎工作的難度而定。

做緊呢份兼職嘅陳小姐話：「做神秘顧客一定要非常細心，好似調查時裝店時，會要求我哋睇吓鋪頭嘅玻璃乾唔乾淨、收銀枱有冇雜物、更衣室有冇塵等，所以夠細心會增加獲聘嘅機會。一個月最少有一個project，可能要去幾間鋪頭，一個project收入約有\$700。」

劉先生話想做神秘顧客可以喺7月31日到元朗信義書院嘅「創·建前程招聘博覽



神秘顧客經常要放蛇測試零售業員工嘅服務態度

會」即場登記；或到到勞工處的網頁（www.labour.gov.hk/news/content.htm）及到香港安柏市場策劃（香港）有限公司嘅網頁（www.mystery-shopper.com.hk）按神秘顧客招募，然後登記個人資料就得喇啦！